




Skryf 'n informatiewe opsomming

Graad 4: Afrikaans



Wat is 'n informatiewe opsomming?

'n **Informatiewe opsomming** is 'n verkorte weergawe van 'n inligtingstuk in jou **eie woorde**. Die opsomming bevat slegs die **belangrikste feite** van die inligtingstuk.



Soms is daar 'n
hoofopskrif met
verskeie
subopskrifte



CORONAVIRUS OUTBREAKS

WHAT IS CORONAVIRUS?

- Coronavirus is a large family of viruses that cause a variety of diseases including colds to serious illnesses such as SARS and MERS-CoV).
- Coronavirus is a new strain of the virus that has never been detected or detected in the human body.

SIGNS & SYMPTOMS

Fever Cough Hard to breathe

HOW CAN I PROTECT MYSELF?

- Wash your hands often with soap and water for at least 20 seconds.
- Avoid touching your eyes, nose or mouth with unwashed hands
- Avoid close contact with people who are sick

Hoofopskrif

Subopskrif

Verskil tussen tipes opsommings




Wanneer ons 'n storie opsom, kyk ons na:

1. Karakters
2. Storielyn
3. Probleem/Intrige
4. Oplossing / Gelukkige einde



Wanneer ons 'n inligtingstuk opsom, kyk ons na:

1. Hoofgedagtes
2. Verskillende onderafdelings
3. Sin wat elke onderafdeling verduidelik



Hoe begin 'n mens?

1. **Lees** die inligtingstuk deur en maak seker dat jy verstaan wat in die teks aangaan.
2. **Lees weer** die inligtingstuk en **onderstreep** die hoofgedagtes. Is daar enige onderafdelings wat verder verduidelik word? **Onderstreep** die onderafdelings indien nodig.
3. Kyk na hoeveel feite of sinne jou onderwyser vra. Begin **skryf** aan jou opsomming en hou by die hoeveelheid feite. Onthou dit moet in jou **eie woorde** geskryf wees en dit moet in **paragraafvorm** wees. Dit wil sê jy moet in volsinne skryf.
3. **Lees** weer jou opsomming deur en soek vir moontlik spelfoute of taalfoute.
4. **Skryf** jou finale weergawe neer.



Dieremaniere

Hoe berei diere hulle voor vir die winter

Wat doen ons voordat ons uitgaan in die koue? Ja, ons trek 'n warm jas en handskoene aan. Dit is ook dieselfde met die diere. Hulle berei hulleself ook goed voor vir die winter, veral in die ysige Europese lande.

Die eekhorings daar se pels groei dikker gedurende die herfsmaande om hulle teen die koue te beskerm, want ten spyte van die koue, moet die eekhorings uitgaan om kos te soek.

Baie neute kan gedurende die herfs gevind word en dit is dan ook gedurende dié seisoen dat die eekhoring lekker vet word. Die vetlagie sal hulle lekker warm hou en energie verskaf gedurende die winterseisoen.



Dieremaniere

Wanneer eekhorings soveel moontlik geëet het, begin hulle om van die voedsel weg te steek. Hulle steek dit in hol boomstamme asook in gate in die grond weg. Soms vergeet hulle waar die kos gebêre is, maar dan ontkiem die sade en neute en groei weer tot nuwe voedsel. Sommige eekhorings hiberneer, met ander woorde hulle slaap gedurende die koue wintermaande, soos baie ander diere.

Ander diere wat ook voorsorg teen die koue tref, is muise wat hulle ook besig hou om kos op te gaar vir die koue. Marmotte, slakke en vlermuise vind beskutte plekke waar hulle die winter kan deurbring. Wanneer hulle slaap, verlaag hulle liggaamstemperatuur en hulle asemhaling word ook stadiger, sodat hulle minder energie gebruik.



Dieremaniere

Swartbere en slange is ook diere wat 'n winterslapie geniet. Het jy geweet slange stoor kos lank voor die tyd in hulle lywe? Hierdie kos stoor hulle in die vorm van 'n vetkoekie, en hulle kan heelwat daarvan stoor. Slange oorwinter gewoonlik in die grond. Sommige van hulle kom wel gedurende die dag so bietjie uit om in die son te lê. Die gate waarin hulle slaap, hou die temperatuur nogal konstant.

Voëls tref ook die nodige voorsorgmaatreëls vir die ysige winter wat voorlê. Soos die dae korter word, trek duisende voëls na Europa. Hulle verveer ook en kry nuwe, sterker vere by. Liggaamsvet word ook opgebou as energie vir die lang reis wat voorlê.



Dieremaniere

Gedurende die migrasie moet die voëls baie gevare trotseer: storms, winde, droogtes langs die roetes en selfs botsings teen mensgemaakte voorwerpe soos radiotorings en ligtorings. Baie van die voëls oorleef nie die reis na die warmer gebiede nie.

Diere wat op hierdie en ander maniere by die seisoene aanpas, verseker hulle voortbestaan vir die volgende seisoen.



Lees slegs die deel oor eekhorings
weer aangesien jou opsomming slegs
oor daardie deel handel.

